

mach ein Fewr von Kolen/ vnd sterck das Fewr/ bis der Hasen glüheth/ vnd wider Weis wirt/ So hör dann auff/ vnd laß kalten/ so findest du in dem Vnderen Hasen ein Oleum, grün als ein Gras/ das heißt Lac Mercurij.

Fixatio Zinobrij.

Nehr den Zinober zu siedem/ so mach ein Laugen. Nimb ein theil Weid Aschen/ vnd ein theil Calcis viui, vnd geuß Harn daran/ vnd laß siedem. Diese Pulver distillier durch einen Fils/ bis klar heraus gehet/ So nimb die Laugen in ein Geschirz/ das verglasurt ist/ vnd thue den Zinober dareyn/ vnd deck es zu/ vnd kochs darinnen einen Tag vnd ein Nacht/ oder so lang bis innen aussen sihet wie Eisen/ So nimbs heraus/ vñ probiers/ leg es auff ein Eisens Plech/ das es glühendig werde/ Vnd so es reucht vnd weg gehet/ so thue ihm widerumb wie vor/ so lang bis es auff dem Plech glüheth/ vnd nicht reucht/ vnd nicht weniger wirt/ So ist es genug. Vnd wann der Zinober also ist worden/ so mach ein ander Wasser also: Nimb ein theil * / vnd ein theil lebendigen Kalch/ vnd calcinier es drey stund/ So reib dieses Pulver/ bis es sich auflöset/ Vnd so distillier es durch einen Laugensack/ vnd in diesem Wasser kochs wider/ wie vor.

TINCTURA.

Nimb fein Gold ein Loth/ auff dz aller dünneste geschlagen/ & ♀ Vinum, wol gereiniget mit Salz vnd Essig/ 6. Loth/ darauß mach ein Amalgama, auff einem Marmelstein vast wol vndereinander gerieben/ Vnd thue dann darzu 4. Loth Animæ H, die mach also: Nimb Wenig/ vnd leg den in Aceto distillato, vnd seude es zwey oder drey mahl/ darnach distillier es per Filtrum, zwey oder drey mahl/ nimb das gedistilliert ist/ setz es in B.M. bis die Feuchtigkeit alle vergehet/ So hast du Animam Saturni.

Reibe es wol all:sampt durch einander/ wie vor gestimpe ist/